

聖觀自在菩薩不空王秘密心陀羅尼經

宋西天三藏朝奉大夫試光祿卿傳法大師施護等奉詔譯

如是我聞一時世尊在補陀落迦山聖觀自在菩薩宮中彼有無數大娑羅樹多摩羅樹瞻波迦樹阿輸迦樹阿提目多迦樹如是等種種寶樹而爲嚴飾與大苾芻衆一百八十萬菩薩九十俱胝那庾多百千復有自在大自在等諸梵天子及無數百千淨光天子如是等衆恭敬圍繞聽受說法爾時聖觀自在菩薩摩訶薩從座而起偏袒右肩右膝著地向佛合掌恭敬頂禮熙怡微笑前白佛言世尊我有陀羅尼名不空王是秘密心乃往過去九十一劫之前我於普觀世界觀自在王如來所親從聽受時彼如來爲無數百千諸梵天子并淨光天子衆教授阿耨多羅三藐

三菩提法我於爾時證得不空智等百千三摩地門世尊若諸方處有此秘密心陀羅尼宣通流布當知是處有大自在等一萬二千天子密作衛護是處即同有諸佛塔應當尊重恭敬供養又若有人以此不空王秘密心陀羅尼廣流布者當知是人已於無數俱胝那庾多百千佛所深種善根又若有人暫得聞此陀羅尼者是人設復謗佛法及謗菩薩聲聞緣覺等諸賢聖廣造如是極重罪業當墮阿鼻地獄者若能志心於一日中清淨不食依法持誦此陀羅尼如是等罪皆得銷滅又若有人患諸瘡病若一日二日乃至七日或復眼痛耳痛鼻痛頭痛或復疥癩瘡癰癰疽腫疱及爲一切非人邪鬼執魅持捉禁縛打擲呪咀期剋邪說惑亂以要言之總集

一切身病心病乃至夢中見不祥事者以此陀羅尼加持力故悉得銷滅無能爲害世尊又復若諸刹帝利婆羅門吠舍首陀如是等族姓中設有諂誑心者於此陀羅尼亦許聽受書寫讀誦乃至一切傍生異類亦應爲彼念此陀羅尼令其得聞聞已隨應皆獲利益況復有諸發生清淨信解心者必芻芻尼優婆塞優婆夷志心聽受此陀羅尼耶又復有人若於此陀羅尼秘密章句諦心思念時應當離諸過失所謂不謗不讚不生疑惑起離我心無久近心無造作心無染污心無高下心住如是心作念佛觀彼人即於十方各見千佛爲現其前世尊若諸白衣舍中有是陀羅尼經處若主若僕見是經已設生輕易或復戲笑以我威神力故令其自然得聞此

斯三

五

陀羅尼聲世尊譬如有人取栴檀香或復龍腦或復麝香持以敲打或復剉斫又以呪詞而爲呪咀復於麤穢石上而以研磨用塗身分或有人言勿須敲打剉斫呪咀研磨栴檀等香既塗身已其香常在世尊我此不空王秘密心陀羅尼亦復如是設或有人雖生輕易或復戲笑乃至無誠實心但能供養此陀羅尼者彼人以是供養善根力故世世所生常得戒定慧等諸蘊具足妙香芬馥復次若有芻芻尼優婆塞優婆夷等欲受持此不空王秘密心陀羅尼時應於白月八日依法安布壇場供養行人當須清淨不食以無緣心誦此秘密心陀羅尼七遍是人當得二十種功德一者當於富貴中生二者生已所有宿世業病速得銷滅三者常得身肌細滑

妙好諸根隱密人所愛樂四者得大財利五者所有財寶不爲盜取六者所有財寶不爲火焚水溺七者常得田疇增廣八者其田稼穡不爲雷電損傷九者其田不爲惡雨霖澍十者色力精神無所損耗十一者常得一切衆生尊重愛樂十二者不爲一切怨對所怖十三者設有怨對速疾除解十四者不爲一切非人所怖十五者不爲惡病纏縛十六者不爲拏杙你怖十七者遠離一切煩惱等事十八者不於水火刀兵毒害中死十九者在處常得諸賢聖等密作衛護二十者在在生常得不離慈悲喜捨如是名爲二十種功德復次世尊若有持誦此陀羅尼者別得八種善相一者臨命終時我作苾芻相爲見其前二者臨命終時目不動亂身心安隱三者

斯三

六

臨命終時手不拏空足不蹴地亦無大小便利穢污狼藉四者不覆面死五者臨命終時安住正念六者臨命終時不離善友七者命終已後諸佛刹中隨願往生八者當生獲得無盡辯才如是名爲八種善相復次世尊若有人能清淨不食遠離五辛一切葷雜於日三時中念此陀羅尼三遍一切所求皆得成就又若有人隨應得聞此不空王秘密心陀羅尼正法已若能斷諸慳嫉除去一切垢染發清淨心尊重歸命秘密護持者是人當得墮菩薩數善爲衆生作大饒益畢竟當成佛菩提果世尊此言菩提者即是正慧薩埵者即是方便若得如是慧及方便二法具足即能爲衆生作饒益事爾時聖觀自在菩薩摩訶薩復白佛言世尊我今樂欲於如來前宣

說所有秘密心陀羅尼普令會中四眾得聞
利益安樂及餘一切作罪業者亦獲善利佛
告聖觀自在菩薩摩訶薩言清淨大士汝應
善說今正是時如來今日亦當隨喜乃至後
末世中與修菩薩乘者為善依怙是時聖觀

斯三

七

自在菩薩欣然舉目瞻仰世尊前白佛言此
會諸菩薩眾應善諦聽復當歸命此解脫輪
能與多人利益安樂悲愍世間善作一切大
利樂事我今宣說此陀羅尼我先歸命過去
未來現在三世善住諸佛菩薩及彼三世一
切聲聞緣覺又復歸命無量光如來應供正
等正覺歸命慈氏等諸菩薩摩訶薩歸命大
智舍利子等諸阿羅漢即說陀羅尼曰
那謨引囉怛那合二怛囉合二夜引野一那莫阿
引哩也引二合縛路吉帝引說囉引野二冒地

薩埵引野摩賀引薩埵引野三摩賀引哥嚕
尼哥引野四伊毗踰引二合那莫塞訖哩合三埵
引壹唐阿引哩也引二合縛路引吉帝引說囉
目枯引捺儼引二合蘭赦引二合阿謨引伽播引
商那引摩訶哩合二捺煬引怛他引誡多三目
珂婆引始檐八摩訶怛波哩沙合二那末提引
阿訶彌那引泥引摩引縛哩多合二曳沙曳合二
九悉群切羊觀彌引薩哩縛合二哥引哩也合二
引尼薩哩縛合二婆曳數左彌引犍下力角切又
引婆縛觀引怛馳切寧也他引十唵引左囉左
囉三十唧哩唧哩四十祖嚕祖嚕五十摩賀引哥引
嚕尼哥六十悉哩悉哩七十唧哩唧哩八十尾哩尾
哩九十摩賀引鉢訥摩合二訶薩多引二合野十二葛
羅葛羅二十枳里枳里二十酤魯酤魯三十
摩賀引戍馱薩埵引野二十沒鞞切寧夜沒鞞

二十 駄引縛駄引縛六十 枳尼枳尼二十 囉
摩戍駄薩埵引野二十 葛囉葛囉二十 枳哩
枳哩三十 酤魯酤魯三十 摩賀引塞他合摩鉢
囉二合鉢多引二合野三十 左羅左羅三十三
左羅三十 尾左羅三十 伊吒伊吒三十
婆囉婆囉三十 毗哩毗哩三十 部嚕部嚕三十
九伊係曳引二合四摩賀引哥引嚕尼哥十四 摩
賀引鉢輸鉢底四十 尾引沙駄囉四十 薩囉
薩囉四十 縛囉縛囉四十 波囉波囉四十 縛
囉縛囉四十 訶囉訶囉四十 賀引賀引十八 係
引係引四呼引呼引五唵引哥引囉五十 沒
囉二合賀摩二合尾沙駄囉五十 駄囉駄囉五十
提哩提哩五十 度嚕度嚕五十 多囉多囉五十
六薩囉薩囉五十 波囉波囉五十 縛囉縛囉
五十 囉濕彌合二設多薩訶薩囉六十 鉢囉合二

底曼尼多設哩引囉六十 入縛合二羅入縛合二
羅六十 多波多波三十 婆誡鋏四十 蘇引摩
六十 阿引禰爹六十 野摩六十 縛嚕拏六十
酤尾引囉六十 沒囉合二賀摩七十 印捺囉合二
七十 哩施七十 泥引縛誡拏引毗野合二哩唧
二多左囉拏三十 蘇嚕蘇嚕四十 祖嚕祖嚕
七十 母嚕母嚕六十 薩那怛酤合二摩引囉七十
七嚕捺囉合二縛引薩縛八十 尾瑟拏二十九
達那捺八十 哩施八十 尾那引野葛八十 末虎
尾尾駄尾引沙駄囉三十 駄囉駄囉四十 提
哩提哩五十 度嚕度嚕六十 伽囉伽囉七十
波囉波囉八十 羅囉羅囉九十 羅虎羅虎九十
訶囉訶囉九十 摩囉摩囉九十 縛囉縛囉九十
三縛囉那引野葛九十 三曼多引縛路引吉
多尾路引吉多五十 路吉說囉摩四引說囉

九十母虎母虎九十母嚕母嚕九十母野母
野九十捫左捫左一百華又華又引摩摩薩哩
縛合二薩埵引室左合二薩哩縛合二婆曳引毗藥
二合薩哩舞引二合波捺囉合二尾引毗藥二合
薩哩舞引二合波捺囉引三合薩哩縛合二誡囉
二係引毗藥四合末駄五曼駄那六多引拏
那七怛囉惹合二囉八囉引惹多塞葛合二囉引
屹那踰合三捺哥九尾沙十設塞怛囉十一合波
哩謨引左哥二十葛拏葛拏三十吉尼吉尼四十酤
努酤努五十左囉左囉六十印捺哩合二野末囉謨
引群誡七十左覩囉引哩野合二薩爹三鉢囉合二
哥引設哥八十怛摩怛摩九十捺摩捺摩十駄摩
駄摩二十薩摩薩摩二十摩他摩他三十薩
摩薩摩四十摩賀引怛謨引駄哥引囉尾達
摩那五十沙吒播引二合囉彌多引波哩布囉

葛六十彌梨彌梨七十吒吒吒吒八十陟陟
陟陟九十姤姤姤姤十三耻耻耻耻三十伊尼
引野左哩摩合二訖哩合二怛波哩葛囉三十伊
係曳引二合四摩賀引哥引魯尼哥三十壹引
說囉四十摩賀引部多誡拏畔惹葛五十酤
嚕酤嚕六十波羅波羅七十葛囉葛囉八十
葛吒葛吒九十摩吒摩吒十四尾戌駄尾沙野
縛引悉那一十摩賀引哥引嚕尼哥二十稅
引怛野倪踰引二合波尾引怛二十囉怛那合二
摩酤吒摩引羅引駄囉四十薩哩縛合二倪也
合二施囉悉託哩合二怛五十摩酤吒摩訶訥部
引二合多六十葛摩羅訖哩合二多葛囉多羅十四
七跋切夜那那薩摩引提尾謨引利也二合
鉢囉合二紺必也十八末呼薩埵散怛底波
哩播引左葛九十摩賀引哥引嚕尼哥十五薩

哩縛合二葛哩摩引二合縛羅拏尾輸引達葛五

一薩哩縛合二咩引提鉢羅合二謨引左葛五

阿哥引羅沒哩合二怛踰合二鉢羅合二設摩那五

三薩哩縛合二薩埵薩摩引說引薩葛囉四

薩哩縛引二合設引摩奴引羅他波哩布囉葛

五十那謨引宰觀合二底莎引賀十五

大心陀羅尼曰

阿謨引伽引野莎引賀一

小心陀羅尼曰

何喃仁即切下同多引野莎引賀一

心中心陀羅尼曰

縛羅鉢囉合二捺引野莎引賀一

器仗陀羅尼曰

阿波囉引喃多引野莎引賀一

甲冑陀羅尼曰

斯三

十一

伊唐葛哩摩合二酤嚕那謨引宰觀合二底莎引

賀引一

頭頂陀羅尼曰

唵引咩引惹野莎引賀一

髻陀羅尼曰

唵引紇哩引塞怛賴合三路引吉也合二尾惹野

二引阿謨引伽播引設引野三鉢囉合二底訶多

紇哩引二合郝咩引發吒四半音

世尊我此陀羅尼悉能成就一切事業若常

持誦者所作尅成又若有人造五無間業彼

人若能日三時中誦此陀羅尼是諸業障悉

得清淨若欲作結果法者當以此陀羅尼加

持沉水香依法而用若欲禁止瘡病者當加

持灰水或佉囉木作楸依法而用若欲息

除一切病者當加持酥或油或水塗摩等用

若欲禁止迦枯哩那鬼所持病者當加持刀
依法而用若欲作諸擁護法者當加持線依
法而用若欲止腹痛者加持鹽水依法而飲
若欲息除諸惡毒者當加持土或加持水依
法而用若欲除去眼病者加持白線隨繫其
耳若欲除去齒痛者加持迦羅尾羅木作齒
木用又欲作結界法者當取五色線加持二
十一遍以佉欄羅木作橛釘四方界然取其
線絢量界分是即結界成就又欲作擁護法
者當加持水或塚間灰或復淨線隨應當用
若欲解諸執魅者加持五色線依法而用又
欲除諸瘡病者加持白線依法而用若欲解
除瘰癧及諸瘡腫者加持華撥與蜜同和塗
摩等用又欲除去眼病者加持香水或甘草
水或鉢羅舍葉浸水而用若欲息諸鬪戰諍

斯三

十二

訟者加持淨水洗滌其面若欲擁護王之國
境無諸侵撓得強勝者當擇妙好瓶器置潔
淨處滿盛其水設諸供養作法者著鮮淨衣
讀此陀羅尼而爲加持然後取瓶中水隨處
散灑即得國界安隱災難不生人及傍生悉
能衛護若欲解諸邪印者當用梅檀香末加
持二十一遍點自心間即得解除若欲於自
住舍作擁護者當用蓮華作護摩法若欲調
伏諸難調者當用梅檀香作護摩法
復次成就法當用勝香最勝香無畏手香帝
手香縛嚕尼香諾俱梨香那俱梨香畢利煬
虞香多識覽香等并月王藥妙喜藥輪藥大
輪藥尾瑟努訖蘭多藥如上諸香藥取以和
合而作一九以此陀羅尼加持一百八遍若
有人爲諸鬼神執魅怖畏或帶頂上或帶臂

上即能衛護若有女人將欲產生取前香藥碎爲其末依法加持同入水中當用澡浴即得產生勝福德子安隱無難諸不祥事皆得銷滅又復生已善作擁護離諸苦惱惡毒不生設有所生速疾除遣若初生童子欲作擁護者取前香藥斯二九依法加持帶其頂上即能擁護若欲禁止風雲雷雹者當取縛嚕尼樹枝入淨水中依法加持已次執其枝而用散灑世尊我此秘密心陀羅尼能作最上成就如上所說一切法用悉無不成設使持誦未精熟者亦得成就

復次宣說本尊成就法若人欲見我身求成就者當於白月十五日依法作懺以上好不雜彩色畫我形像如大自在天相頂戴寶冠鹿皮爲絡腋一切珍寶而爲莊嚴如是畫已

依法安布行人當於彼懺像前以瞿摩夷作曼拏羅散諸妙華以八種香安置供養又復排設六十四種出生飲食所用清淨離諸血肉腥雜穢污燒沉水香行人應當晝夜不食一日三時澡沐身體著新淨衣諦心專注獻供養已於懺像前念此陀羅尼一千八十遍然後諦想本尊儀相乃見自身有大熾燄行人見已心生歡喜須臾即見我身來現其前施諸所求悉令圓滿行人爾時當用雌黃或安膳那藥而用點根即能隱身亦得騰空自在證入不空智莊嚴三摩地門隨諸所欲一切所作皆得圓滿佛說此經已聖觀自在菩薩摩訶薩及餘自在大自在等梵天衆及淨光天子并諸菩薩聲聞一切大會聞佛所說皆大歡喜信受奉行

聖觀自在菩薩不空王秘密心陀羅尼經

音釋

斯三

+

至陟栗切 接奴何切 羯避 藍梵語也此云
 即可 胃直又切 極其月切 絳補耕切 還
 癰療力果切 撓女巧切 噤陟孟切 張畫 繒也
 癰療音歷 撓擾亂也 噤張 繒繒也